

司马盛衰

东西晋

新选历史演义丛书

SI MA
SHENG
SHUAI
SHANG
HAI
GU
JI
CHU
BAN
HE



上海古籍出版社

司马盛衰

顾列改编

新选历史演义丛书



上海古籍出版社

新选历史演义丛书

司马盛襄

顾列改编

上海古籍出版社出版

(上海瑞金二路 272 号)

由新华书店上海发行所发行 上海市印刷三厂印刷

开本 787 960 1/32 插页 2 印张 11.25 字数 288,000

1990 年 8 月第 1 版 1990 年 8 月第 1 次印刷

印数：1—16,000

ISBN 7-5325-0764-5

I·456 定价：3.50 元

序

魏同贤

在我国古代小说的百花园中，历史演义以它独特的姿容，妆点着姹紫嫣红的繁荣景色。这种以历史人物和历史事件为题材而创作的作品真是源远流长、历久不衰。现存十六世纪前期刻印的罗贯中编著的《三国志通俗演义》，就是这类小说的奠基性作品。这部长篇巨制，广泛吸取了唐宋以来民间说话和戏曲的素材，并参照陈寿《三国志》及裴松之注，相互揉合，精心结撰，它不但标志着我国古代长篇小说（章回小说）的成熟，而且带动了历史小说的繁荣。据记载，罗贯中自己就有十七史通俗演义的创作，现存署名作品尚有《隋唐两朝志传》、《残唐五代史演义》、《三遂平妖传》等等。此后继起的则有《东周列国志》、《西汉通俗演义》、《杨家府世代忠勇通俗演义》、《隋史逸文》以及《隋唐演义》等等。直到近、现代，此类小说的创作仍然常青不谢，不断有优秀作品问世，《二十四通俗演义》、《民国演义》、《北洋军阀演义》等等的出现，就是一个明证。

历史演义的诞生与繁荣，是同我国人民大众所喜闻乐见的口头文学密切相关的。民间艺人，集村壤里巷之芳馨，既通过口头的讲述和演唱，使那些文学想像的和社会现实的事件，口耳相传，代代延续。又不断加工、改造、丰富之，便有了早期小说

的诞生。其中，那些专说历史事件的故事，就是讲史，进一步的发展，便形成了历史演义。广大群众通过这种文学活动，既熟悉了历史，受到了文化熏陶，同时也满足了美的享受，而且这种文学活动，不分贵贱雅俗，不管男女老少，大都极为喜爱，所以它的读者面十分宽广。可以毫不夸张地说，历史演义对民族文化的普及和民族精神的养成曾起过巨大的作用。

对于今天的读者特别是青少年来说，历史演义实在是一份极为珍贵的文学遗产，它所带给我们的不仅仅是一些曲折引人的历史故事，性格鲜明的历史人物，或者是高雅生动的文学描写，更为重要的是，它能将读者引导到一个个古老而又新鲜的历史时代，在我们的祖先所创造的一出出威武雄壮的历史戏剧中徜徉驰骋，去认识、去攫取、去思索、去提高，从而就能把握过去，这同时也必将认识现在，明确未来，这样也就丰富提高了自己，也就提高了我们民族的文化素质。

中华民族五千年的文明史是悠久而灿烂的，反映五千年文明史的历史演义也是丰富而辉煌的，我们这里只能按照历史发展的顺序，从数量众多的作品中选取最足以反映历史面貌的佳作，同时，为了节省篇幅，增强可读性，对其中的闲文套语以及蔓生枝节进行适当的删除，目的是以最经济的最生动的方式向读者提供最优秀的图书。

目 录

| | | |
|-------|---------|----|
| 第一回 | 王凌王浑大争功 | 1 |
| 第二回 | 武帝怠政伏祸机 | 4 |
| 第三回 | 武帝托孤立惠帝 | 9 |
| 第四回 | 贾后设计夺朝权 | 11 |
| 第五回 | 诸王用事相图害 | 15 |
| 第六回 | 张华识贤荐二俊 | 18 |
| 第七回 | 讨氐羌周处死节 | 21 |
| 第八回 | 贾后谋害皇太子 | 23 |
| 第九回 | 赵王起兵诛贾后 | 27 |
| 第十回 | 淮赵二王相攻害 | 31 |
| 第十一回 | 司马伦废帝自立 | 33 |
| 第十二回 | 五王会兵讨赵王 | 36 |
| 第十三回 | 齐王擅权自取祸 | 39 |
| 第十四回 | 二王兵攻长沙王 | 41 |
| 第十五回 | 成都王独执朝政 | 45 |
| 第十六回 | 匈奴刘渊称汉王 | 48 |
| 第十七回 | 东海王檄讨张方 | 52 |
| 第十八回 | 司马越执权秉政 | 57 |
| 第十九回 | 太弟司马炽登位 | 60 |
| 第二十回 | 刘渊定都称汉帝 | 63 |
| 第二十一回 | 石勒寇巨鹿常山 | 67 |
| 第二十二回 | 刘聪杀兄为汉主 | 71 |
| 第二十三回 | 石勒引兵陷襄阳 | 74 |
| 第二十四回 | 失洛阳怀帝被掳 | 77 |
| 第二十五回 | 晋室分崩图复业 | 80 |
| 第二十六回 | 纪瞻智破石虎军 | 83 |

| | | |
|--------------|---------|-----|
| 第二十七回 | 代公大破刘曜众 | 86 |
| 第二十八回 | 怀帝被害立愍帝 | 90 |
| 第二十九回 | 祖逖击楫取中原 | 93 |
| 第三十回 | 石勒袭蓟杀王浚 | 95 |
| 第三十一回 | 刘曜赵冉寇长安 | 98 |
| 第三十二回 | 陶侃运甓存大志 | 101 |
| 第三十三回 | 愍帝出降于刘曜 | 104 |
| 第三十四回 | 丞相睿即晋王位 | 107 |
| 第三十五回 | 愍帝亡东晋继祚 | 110 |
| 第三十六回 | 元帝中兴用贤良 | 114 |
| 第三十七回 | 刘曜即位讨斯准 | 118 |
| 第三十八回 | 石勒自称后赵王 | 121 |
| 第三十九回 | 祖逖勇略镇雍丘 | 124 |
| 第四十回 | 段匹磾死于忠义 | 127 |
| 第四十一回 | 王敦举兵谋逆叛 | 130 |
| 第四十二回 | 王导执表涕周颤 | 134 |
| 第四十三回 | 湘州谯王死忠义 | 138 |
| 第四十四回 | 元帝崩太子即位 | 141 |
| 第四十五回 | 温太真佯醉脱身 | 143 |
| 第四十六回 | 王导计气王敦死 | 146 |
| 第四十七回 | 明帝托孤与王导 | 149 |
| 第四十八回 | 苏峻祖约举兵反 | 151 |
| 第四十九回 | 卞壶父子死忠孝 | 154 |
| 第五十回 | 各路会兵讨苏峻 | 157 |
| 第五十一回 | 陶侃温峤攻石头 | 160 |
| 第五十二回 | 成帝论功封群臣 | 163 |
| 第五十三回 | 石勒卒石虎篡位 | 166 |
| 第五十四回 | 成帝加冠改年号 | 169 |
| 第五十五回 | 慕容皝求封燕王 | 172 |
| 第五十六回 | 康帝穆帝相继立 | 175 |
| 第五十七回 | 桓温帅师入伐蜀 | 178 |

| | | |
|--------------|---------|-----|
| 第五十八回 | 石虎卒诸子夺位 | 181 |
| 第五十九回 | 晋燕帅师伐赵国 | 184 |
| 第六十回 | 王羲之二阻北伐 | 188 |
| 第六十一回 | 江道献计破姚襄 | 192 |
| 第六十二回 | 桓温帅众出伐秦 | 195 |
| 第六十三回 | 秦苻生妄杀大臣 | 198 |
| 第六十四回 | 苻坚备仪聘王猛 | 201 |
| 第六十五回 | 燕王托孤慕容恪 | 206 |
| 第六十六回 | 桓温恃威试袁帝 | 210 |
| 第六十七回 | 桓温伐燕大败还 | 213 |
| 第六十八回 | 慕容垂逃降苻坚 | 217 |
| 第六十九回 | 王猛举兵伐燕国 | 221 |
| 第七十回 | 苻坚克燕封功臣 | 225 |
| 第七十一回 | 桓温废主立新君 | 228 |
| 第七十二回 | 王谢新亭迎桓温 | 231 |
| 第七十三回 | 苻坚克凉伐北代 | 236 |
| 第七十四回 | 谢安荐侄镇北疆 | 240 |
| 第七十五回 | 谢玄帅兵救彭城 | 243 |
| 第七十六回 | 秦王发兵下江南 | 245 |
| 第七十七回 | 谢安败秦百万兵 | 248 |
| 第七十八回 | 慕容垂恢复燕祚 | 256 |
| 第七十九回 | 拓跋珪单骑脱险 | 261 |
| 第八十回 | 西燕败晋迫苻坚 | 264 |
| 第八十一回 | 后秦姚苌杀故主 | 267 |
| 第八十二回 | 司马道子坏朝政 | 270 |
| 第八十三回 | 尹纬设计擒苻登 | 273 |
| 第八十四回 | 拓跋珪破燕称帝 | 276 |
| 第八十五回 | 孝武暴崩立太子 | 279 |
| 第八十六回 | 慕容德谋都广固 | 281 |
| 第八十七回 | 孙恩聚众寇江南 | 284 |
| 第八十八回 | 刘裕寡兵破孙恩 | 287 |

| | | |
|---------------|--------------|-----|
| 第八十九回 | 桓玄兵破殷仲堪..... | 289 |
| 第九十回 | 陷建业桓玄篡位..... | 292 |
| 第九十一回 | 刘裕起兵讨桓玄..... | 297 |
| 第九十二回 | 桓玄挟帝死江陵..... | 302 |
| 第九十三回 | 刘裕入朝镇扬州..... | 305 |
| 第九十四回 | 慕容超继主南燕..... | 307 |
| 第九十五回 | 刘裕包围广固城..... | 309 |
| 第九十六回 | 塞五龙悦寿请降..... | 313 |
| 第九十七回 | 卢循以兵寇建康..... | 316 |
| 第九十八回 | 刘毅轻敌遭火攻..... | 318 |
| 第九十九回 | 刘裕力拒卢循兵..... | 321 |
| 第一百回 | 破卢循晋师凯旋..... | 323 |
| 第一百〇一回 | 取番禺官军荡寇..... | 327 |
| 第一百〇二回 | 刘毅谋反自诛灭..... | 331 |
| 第一百〇三回 | 刘裕封函取成都..... | 335 |
| 第一百〇四回 | 刘裕东府斩长民..... | 337 |
| 第一百〇五回 | 刘裕兴兵伐后秦..... | 341 |
| 第一百〇六回 | 刘裕灭秦诛姚泓..... | 344 |
| 第一百〇七回 | 失关中义真败回..... | 348 |
| 第一百〇八回 | 宋王刘裕即帝位..... | 352 |

第一回 王浚王浑大争功

却说晋世祖武皇帝姓司马氏，名炎，字安世，河内人，司马昭之子，司马懿之孙也。篡魏陈留王之位，自立为帝，国号大晋，改元泰始，都于洛阳。

至太康元年首月，因以杜预、王浑、王浚三将率水军十五万，去伐江东，所向皆克。浚兵首攻石头，吴主孙皓大惧，面缚舆榇，诣浚军门投降。王浚焚榇受璧，遂入建业屯扎，封宫门、府库，令人守把，待王浑至。明日，王浑兵始济石头城，探知孙皓已降，不得入城。因是王浑以浚不待己至，先受皓降，意甚愧忿，欲以兵攻浚。参军何攀谏止之。攀又来劝浚曰：“足下成此大功，朝野所闻，奈王将军疾足下不待其至，先纳吴降，有不忿之意，欲将兵来攻足下。昔许由、巢父曾让天子之贵，世称为大贤。足下何不效之，以是功让与王将军？”王浚曰：“市井之道，人人争半钱之利，灭吴大勋，安肯为下！彼何人也？吾何人也？彼丈夫也，我丈夫也。天生德于予，王浑其奈我何？吾不惮之。”何攀又曰：“功既不与，可将吴主孙皓付与王浑，吾代你二公讲和，此事如何？”浚曰：“此言可依。”遂以孙皓付与何攀。攀请吴主皓诣军门，同见王浑。浑令人监之，方释此忿。

却说王浚字士治，乃弘农郡人，家世二千石。浚博涉坟典，美姿貌，不修名行，不为乡曲所称。晚乃变节，疏通亮达，恢廓有大志。尝起宅，开门前路广十步。邻人或谓之：“何太过？”浚曰：“吾欲使容长戟幡旗。”众咸笑之。浚曰：“陈胜有言，燕

雀安知鸿鹄之志也。”

河东从事刺史燕国徐邈有女才淑，择夫不嫁。邈乃大会佐史，使女子内观之。女指浚告母，邈遂以女与妻。后除巴郡太守，边吴境，兵士苦役，生男多不养。浚乃严其科条示之，宽其徭课，产育者皆与休复，所全活者数千人。浚至夜，梦悬三刀于其卧屋梁上，须臾又益一刀，惊觉，意甚恶之。次日，问主簿李毅，毅再拜贺曰：“三刀为‘州’，又益一者，明府其临益州乎？”后果迁为益州刺史。今伐吴有大功，王浑欲争之，而王浑虽得监孙皓，心终不悦，阴使奸细入持书，令其子王济表浚违诏不受节度，时周浚、何浑谏而不纳。

却说王济得父之书，党有司奏知武帝，请以槛车征浚。武帝弗许，命有司以诏书入吴，责浚违诏不受节度。王浚大惊，令人入朝上书自白。

武帝览书，知王浑疾浚功高于已，冒奏朝廷，故不责浚之罪。王浑见武帝不罪王浚，又使人驰书周浚，云浚烧皓宫，得宝私有。入朝又奏，武帝弗听。王浚窃知，连忙复遣人上表。武帝览表，佯置不问。

却说杜预与王浑、王浚等既受吴降，领众振旅还京。次日，王浑、杜预、王浚等将同吴主面君，吴主皓拜伏称臣。武帝宣皓上殿，赐绣墩而坐。武帝曰：“朕设此座待卿久矣。”皓曰：“臣在南方，亦设此座以待陛下。”武帝大笑，设宴待之，封皓为归命侯。以其子孙瑾为中郎将。随降臣宰，皆封列职。丞相张悌死节，封其子孙。

却说王浑、王浚二人，因伐吴构怨，不相推伏，互各争功，因是武帝未曾封赏诸将。时王浑表浚违诏不受节度，专擅吴降，宜以加法，庶禁将士知劝。武帝弗从。由然灭吴之功，不有封赏。王浚自以功大，而为王浑及党共所挫抑，每入朝，奏帝曰：“臣有汗马之劳，而为指鹿之诉，却似猎犬之功矣。臣非敢图赏，所以激发后之将士，勇于立勋。”武帝亦不之听。浚不胜忿愤，径出不辞，帝亦容恕之。

次日，有司奏王浚违诏，大不敬，请宣付廷尉问罪。武帝

不许，命廷尉刘颂校二人事功。颂认王浑为上功，以王浚违诏为中功。帝怒刘颂折法失理，左迁京兆太守。既而诏增贾充及王浑邑八千户，进浑爵为公，以杜预、王戎皆封县侯，诸将赏赐有差。策告羊祜庙，封其夫人为万岁乡君，食邑五千户。

至是王浚每日在家，怨望朝廷。时有浚之外亲，益州护军范通诣，知其悒意，因谓浚曰：“将军功则美矣，然恨所以居美者，未尽善也。”浚问曰：“何如？愿闻其详。”通曰：“将军旋旆之日，角巾私第，口不言降吴之事，若有问者，辄曰：‘圣主之德，群帅之力，老夫何功之有！’如斯，颜子之不伐，龚遂之雅量，何以过之？此蔺生所以屈廉颇也，王浑能无愧乎！安能僭也。”王浚曰：“吾始惩邓艾之事，惧祸及身，不得无言。夫不能遣诸胸中，是吾褊也。”于是王浚愤悒之。

其时，人亦以王浚功重报轻，为之叹息。时博士秦秀上表，诵王浚功高枉屈。武帝始迁王浚为镇军大将军，封杜预为当阳县侯。因此浚大悦，谢恩归第。杜预亦谢恩，辞武帝出镇当阳。预到襄阳，以为天下虽安，忘战必危，乃勤于讲武，申严戍守。预身不跨马，射不穿札，而用兵制胜，诸将莫及。

第二回 武帝怠政伏祸机

却说晋武帝以为天下平息，四海晏然，聚集文武商议罢州郡武备。大臣山涛谏曰：“州郡之兵，留防境患，古来有之，岂宜去也！伏望陛下学古制而获大治，慎先谋以怀永图。”武帝弗听，自主决之。次日出诏，命州郡悉去兵政。时交州牧陶璜见诏，以为不可，亦上言。帝俱不纳。至永宁以后，盗贼蜂起，州郡无备，不能擒制，天下大乱。

初，鲜卑莫护跋始自塞外入居辽西棘城之北，号慕容部。至孙涉归迁于辽东之北，内附中国，数从征讨有功，拜大单于。至是始叛，以兵五万寇昌黎，此乃戎乱之始，如涛、璜所言。因此各州郡雪片上表入朝，奏知武帝。武帝大惊，急与群臣计议，颁诏去各州郡，命刺史各兼兵民之政，因是州郡镇之政尤繁重焉，天下不宁。其后诸胡因忿愧，杀害长史，渐为民害，是因此起。

当时御史郭钦等上疏请徙内郡杂胡于边地，峻四夷出入之防。武帝曰：“秦始皇时，筑墙万里，以防胡虏，谁知祸发萧墙之内，不在匈奴之中。今天下一统，谁敢贰叛？”竟不之从。因谓群臣曰：“朕闻治天下有道，在于得人，卿等如何不举贤良方正有才之士入用，专进迂阔之言？”言讫，命有司诏州郡举贤良方正才学之士。大臣何曾荐广陵华谭，武帝召而亲策之，颇嘉其对，以为郎中。又以束皙仁德闻州里，且博学多闻，擢为尚书郎。

太康二年三月，武帝诏选吴孙皓宫人五千入宫内。朝夕淫乐游宴，怠於政事，常乘羊车，恣其羊车之所至，便宴寝其宫。乘羊车游寝宫庭，宫人竞以竹叶插户，盐汁洒地，以引帝车入宫，于是后宫乱宠无次序矣。

却说皇后杨氏，其父杨骏，字文长，弘农人也。官拜车骑将

军。时武帝以后宠封杨骏为临晋侯。中书令褚䂮与尚书郎郭奕等谏之，称杨骏小器，不可以任社稷之重，恐乱天下，武帝怒而不听，益宠杨骏，于是杨骏势倾天下，任意横行。时太尉何曾因设朝回第，谓诸子弟曰：“今上以吾为太傅，吾每宴见，未尝闻经国远图，惟说平生常事，非贻厥孙谋之道也，后嗣其殆乎！汝辈犹可以免。”指诸孙曰：“此属必及于难矣。”

太康三年，武帝设朝，君臣礼毕。武帝问司隶校尉刘毅曰：“朕可方汉之何帝？卿实言之。”毅曰：“桓、灵似陛下耳。”武帝曰：“朕何至于此？”毅曰：“桓、灵卖官钱入官库，今陛下卖官钱入私门。以此言之，殆不如也。”武帝大笑曰：“桓、灵之世，不闻此言。今朕有直臣，故为胜之耳！”因赐毅金二十斤。时毅纠绳豪贵，无所顾忌，人皆惮之。

时有石崇字季伦，生于青州，故小名齐奴。少敏慧，勇而有谋。其父石苞临终，分财与诸子，独少与崇。其母以为言：“何不均分，使崇少也？”苞曰：“此儿虽小，后自能得。”及其年长二十，为修武令，有能名。选为阳城太守。因伐吴有功，封为安阳乡侯，累迁侍中。武帝以崇功臣之子，有干局，深器重之，出为南中郎将、荆州刺史，领南蛮校尉。石崇颖悟有才气，而任侠无行检。在荆州时，私与从人劫远使商客，以至大富。后拜为太仆，因出镇下邳。崇有别馆在河阳之金谷，号为金谷园。是岁，武帝拜崇为卫尉。崇家财产丰积，室宇宏丽。后房有百数，皆曳纨绣，珥金翠。丝竹尽当时之选，庖膳穷水陆之珍。富盖天下，无有贰也。时后将军王恺，乃文明皇后之弟也，家中亦大富，爱于射，竞以奢侈相高。一日，武帝设朝罢，退出外，石崇、王恺二人俱各夸诞。王恺说：“我家中以饴沃釜。”石崇道：“我家中以蜡代薪。”这边道多，那边道胜。僚友因谓二人曰：“说无凭，做出便见。汝二人休在此争论，汝家中有甚奇异珍宝，请出相斗，方见高下。”王恺使人作紫丝步幛四十里，石崇使人作锦步幛五十里。崇涂屋以椒，恺用赤石脂耳。僚友见崇胜恺，俱称美不已。武帝闻王恺与石崇斗宝，乃宣恺入，取珊瑚树高二尺者赐恺。恺大喜，拜谢出内，即以珊瑚示石崇。

石崇接过看了，以铁如意击碎。王恺大怒曰：“你无此宝，故打碎。”欲与相殴。崇大笑曰：“君不足为恨，吾自偿之。”乃使人取珊瑚树高三四尺者六七株，条干绝俗，光彩耀目，以示王恺，因以赔恺。僚友劝和，各回第讫。时司马傅咸上书于武帝。帝览，谓咸曰：“王、石自相射竞，何干兴废，卿何多言耶！”弗听。

却说尚书张华，先因伐吴，都督幽州军事；以文学才识，名重一时，论者皆谓华宜为三公。荀勗、冯紇以伐吴之谋深疾之。先时，武帝知张华才能，故使人问华：“谁可托后事否？”华曰：“以明德至亲，莫如齐王。”及此，武帝使人征之，齐王忤旨不至。帝思华能，欲征张华。荀勗、冯紇忌华所能，因而谮华于帝，以钟会之乱方之曰：“陛下谋画之臣，著大功于天下，据方镇总戎马之任者，皆当在圣虑所及。”帝默然。由是不征华，复征齐王司马攸入朝用事。

攸德望日隆，荀勗、冯紇、杨珧皆忌之。因设朝罢，紇谮于武帝曰：“齐王攸私结群党，恐不利于社稷。”帝曰：“齐王乃先帝所亲信，故朕委之以朝政，岂有异心耶？卿勿多言。”勗又曰：“百僚皆归心齐王，陛下试诏之国，必举朝以为不可，则臣言验矣。”武帝始以为然。次日，乃以齐王攸为大司马，都督青州诸军事，令其之国。国公王浑入朝上书劝谏，武帝不听。扶风王骏、光禄大夫李熹、中护军羊琇、侍中王济、甄德皆入切谏，帝亦不听。王济与甄德又使其妻公主俱入宫涕泣曰：“今使齐王之国，莫非内有小人献佞？且齐王国之至亲而不可信，况他人乎？望陛下留齐王，乃国家之幸。”武帝大怒，出谓王戎曰：“兄弟至亲。今出齐王，自是朕家事，而甄德、王济连遣妇入来生哭人耶！”乃出王济、甄德。时李熹见上出其二人，亦以年老逊位。

太康四年正月，武帝设朝，命太常议崇锡齐王攸之物。博士庾隽、秦秀等因上言谏武帝诏取齐王归朝，武帝弗听。祭酒曹志亦表奏此事，武帝览表大怒，免其官，其余皆付廷尉问罪。廷尉刘颂奏隽等大不敬上，当弃市，帝从之。尚书夏侯骏见帝曰：“官立八座，正为此时，博士何当死矣？”帝始回，独为骏议

留中七日，乃诏舅等七人免死除名。使命齐王攸备物典策，设轩悬之乐，六佾之舞，黄钺朝车乘舆之副从焉。

却说齐王既被荀勗、冯紇之谮，不得预政，在外愤怨发疾，使人入朝奏武帝，乞守太后之陵。武帝不许，遣御医视齐王攸疾。御医将行，荀勗等阴囑曰：“汝去视齐王疾，不可下药，只便回来。倘主上问你，只说无事。”御医果去看齐王，及诊视脉息，病将危笃，不肯下药。诊罢，皆言无疾，帝遂不问。齐王攸疾转笃，一日呕血而死。其子同发丧而归，武帝与百官亲临吊丧。同泪涌陈诉御医诳言父疾无恙，不肯下药，致误身死。帝大怒，即命武士收御医诛于市曹，以其首祭之。初，武帝爱齐王攸甚笃，为荀勗、冯紇所构，欲为身后之虑，故出之；及其薨，帝哀痛不已。冯紇侍侧曰：“齐王名过其实，天下归之。今自死殒，社稷之福，陛下何哀之过！”因是收泪而止。

却说侍中王济因谏武帝宜亲齐王之事，免官久之。今齐王已薨，武帝因谓和峤曰：“我将骂济而后官之，如何？”峤曰：“王济俊爽，恐不可屈。”武帝使人宣至，责让之曰：“卿知愧否？”王济曰：“‘尺布斗粟’之谣，常为陛下耻之。他人能令亲者疏，臣不能令亲者亲，以此愧陛下耳。”武帝默然泪下，以王济为侍中。

却说齐王攸死，天咎屡见。河南、荆、扬大水。八月朔，日食，慕容廆以兵五万寇辽西，辽西郡守陈明以兵拒战，败死，失去州郡。太庙殿陷，星陨如雨。或者以为齐王死屈，故有是变。慕容廆既寇辽西，武帝甚忧之。群臣奏，宜下诏招安。武帝从之，使使持诏往辽西，令东夷校尉何龛以节封慕容廆为鲜卑都督，令其来降。廆大悦，即以士大夫礼，巾衣诣府门，降何龛。龛恐其诈，乃严兵以见之。廆即出，改服戎衣而入。左右问其故，廆曰：“主人不以礼待客，客何为哉？”龛闻甚惭焉。于是龛持节开诏读之。廆跪听宣讫，谢恩而起。于是廆降晋，受鲜卑都督印绶，收兵徙居徒河青山去讫。

却说武帝极意声色，遂致成疾。时杨骏秉权，忌诸王有变，心生一计，密奏帝曰：“陛下龙体不安，且即主弱臣强，倘不豫，

何以制之？宜封建诸王，都督各镇，此万全之计也。”帝从之，以汝南王司马亮为大司马，都督豫州诸军事，使镇许昌。又徙皇子南阳王柬为秦王，使其都督关中。以玮为楚王，使其都督荆州。以允为淮南王，使其都督扬、江二州诸军事，并假节令其之国，非宣唤不许入朝。又立皇子乂为长沙王，颖为成都王，晏为吴王，炽为豫章王，演为代王，立皇孙遹为广陵王。

武帝以才人谢玖赐太子衷，衷纳之，生皇孙遹。年五岁，其夜忽然宫中失火，武帝大惊，登楼望之。时遹乃牵武帝裾入阁中而言曰：“暮火仓卒，宜备非常，不可令照见入主。”武帝闻言，由是奇之。次日，武帝领遹观豕牢，遹言于武帝曰：“豕甚肥，何不杀以享士，而使久费五谷？”武帝嘉其说，即使烹之。因抚其背，谓廷尉傅祗曰：“此儿当兴我家。”次日早朝会，武帝谓群臣曰：“朕皇孙遹聪敏非常，前观失火之戒，后上烹豕之言，好似吾太祖宣帝之才也。朕观太子不才，意欲废之。今见皇孙如此明慧，故不易之。”于是群臣上贺，皆称万岁。武帝乃大会群臣于凌云台。尚书卫瓘知太子司马衷庸才，不堪政事，每欲陈启废之事，未敢发言。因此朝会佯醉，入跪武帝床前曰：“臣欲有所启。”武帝曰：“卿所言何耶？”瓘欲言而止者三，乃以手抚床曰：“此座可惜！”武帝意悟，因谬曰：“卿真大醉！”于是瓘不敢复言。而武帝了然在心，乃闷归宫，密谓皇后杨氏曰：“今太子不堪大统，此事若何？”杨后对曰：“古来神器，立嫡认长，不问贤愚，岂可动乎？”时武帝疾甚，知太子不才，然特皇孙司马遹明慧，故无废立之心。先用王佑谋，以太子母弟柬、玮、允分镇要害。又恐杨氏之逼，以王佑为北军中候，典禁兵。又与皇孙遹高选僚佐，以散骑常侍刘寔为太傅，以辅皇孙。又封宗室数人。

武帝疾将不豫，诏以刘渊为匈奴北部都尉。又封杨骏为太尉，令其辅政。